

Урднь матрос ода шунмгъа тосхач

Элст балгъсна тосхлтин 2-ч управленя тосхлтин бригадин бригадир И. С. Унгарлинов, Советск Цергин болн Тенъгсин-Дяаня Цергин 40-ч джилин обниг куч-колсна узмджта диилвряр тосджана.

Запасд ода баах ах матрос И. С. Унгарлинов 1939-ч джилас авн 1947-ч джил куртл Хар тенъгсин дяаня цергт цергдж йовсмн. Алдр Тюрскна дан болхд, дяаня кермд зенитн тов хадгт йовад, 250 обрин туршарт Севастополь

балгъс харслгънд орлцсмн.

Керченск болн Таманьск арлмудт тенъгсин дяаня йовгън церг буулгънд болн Федосия балгъсиг немширин цергас сулхд ур Унгарлинов бас орлцла.

Цергт йовад тюрү-зүдү йовдл харгъсн цагт аадж хооран цухрлго, диилдж чадг дасн толладан, ур Унгарлинов товшун цагин кодлмшт чигн амтна нуурт йовдж, саянар кодлдж йовна. Элст балгъс тосхлгъна кодлмшт ур Унгар-

линов хамгин тюрүн болдж 1957 джилин хаврар ирля.

Тосхлтин бригад толгъалад, 1957 джилин ахр цагин туршарт бригадиннь кучн-чидлар, неджад патртя 7 гер, дорвад патртя 4 гер тосхдж дуусв. 24 орк-бул патряр теткдв. Ур Унгарлиновин бригад джиля зурагъан 206 процент кучав. Онъчта сан бригадир ур Унгарлиновин нернь Элст балгъсна Кундлгъня доскд бичгдв.

П. БЕМБЕТОВ.